

SCRIPT OF EVENING GOJRI NEWS BULLETIN 15JULY 1700 HRS

ایویننگ گو جری نیوز بلیٹن مو رخہ 15 جولائی 2025

یوہ آکا شوانی جموں ہے غلام سرور تے نصرت تیں خبر سُنو۔

HEADLINES

- ۱۔ بھارتی خلا باز شوبھانشو شکلا تے ایگزیزام چار غو عملو خلائی اسٹیشن تیں باحفاظت زمین ور واپس آگیو ہے۔
- ۲۔ وزیر اعلیٰ عمر عبداللہ نے جموں کشمیر مانہ عوامی بہبود تے شہری بنیادی ڈھانچہ بارے عزم غو اعدو کیو۔
- ۳۔ ضلع ڈوڈھ مانہ ایک سڑک حادثہ مانہ 5 افراد ہلاک تے 19 زخمی ہوا لیفٹیننٹ گورنر تے وزیر اعلیٰ نے گنباں سنگ غو اظہار کیو۔
- ۴۔ جموں کشمیر نے نیشنل او ڈی او پی یعنی ایک ضلع ایک پروجیکٹ اعزاز 2024 مانہ لگاتار دوجی بار سونا غو تمغو حاصل کیو ہے۔
- ۵۔ تے شمالی ریلوے نے جموں توی سابرمتی ایکسپریس غا اوقات مانہ 26 اگست تیں ترمیم کی ہے۔

AXIOM 4

بین العوامی کالنی اسٹیشن مانہ 18 دن گا مشن تیں بعد گروپ کپٹن شوبھا نشو شکلا تے ایگزیزام گو عملو اج بھارتی وقت غے مطابق 3 بج گئے 1 منٹ ور کیلیفورنیا مانہ سین ڈیگو غا ساحل غے نیڑے سمندر مانہ اُتریو وزیر اعظم نریندر مودی نے خلا باز شوبھا نشو شکلا کی باحفاظت واپسی کی ستائش کی ہے انہاں نے کہیو کہ یوہ ملک گا انسانی خلائی پرواز مشن گگنیان کی طرف ایک ہور سنگ میل کی نشاندہی کرے اس تیں علاوہ سائنس تے ٹیکنالوجی گا وزیر ڈاکٹر جتندر سنگھ نے وی شوبھا نشو شکلا تے ایگزیزام مشن ٹیم نانہ زمینور کامیابی سنگھ واپس ور مبارک باد دتی انہاں نے کہیو کہ بھارت نانہ اج خلا غی دنیا مانہ ایک ہائیداد جگہ مل گئی ہے۔

CM INFRASTRUCTURE

وزیر اعلیٰ عمر عبداللہ نیاج اس گل ور زور دیتا واں کہیو کہ عوامی خدشات نانہ دور کرنو تے انتکابات تے پہلاں کایگیا وعداں نانہ پورو کرنو حکومت کی اولین ترجیح ہے اس گل کو زکر وزیر اعلیٰ نیاج برزولا سرینگر مانہ ہڈیتے جوڑاں گا اسپتال مانہ 120 بستراں غے دوران کیو انہاں نے جموں کشمیر مانہ صحت کی دیکھ بھال تے بہتری بنیادی ڈھانچہ نانہ بہتر بنان بارے حکومت غا عزمور زور دتو وزیر اعلیٰ نے سرینگر مانہ پانی بارشاں کی وجہ سنگ پانی اکٹھاں ہون غا مسائل ور فوری کارروائی کی ضرورت ور وی لو کہلی تے محکماں نانہ فوری جواب دین کی ہدایت جاری کیتاہم اس طرح انہاں نے عوامی خدمات تے شہریاں کی مجموعی معیار زندگی نانہ بہتر بنان بارے انتظامیہ ور زور دتو اس موقع ور خطاب کرتا واں انہاں نے اس طرح کہیو۔

DODA ACCIDENT

ضلع ڈوڈہ غا بھرت گراں گے نیڑے ایک المناک سڑک حادثو پیش آيو جس مانہ 5افر د گى موت تے 19دو جہ زخمى ہوا ہيں۔ يہ سڑک حادثو پونڈا گراں مانہ ا ج اُس وقت پیش آيو جس ایک سوارياں نال لديو وى ٹيمپو سڑک تيس ملک غے ڈونگى کھائی مانہ جاپيو تے جس مانہ 24مسافر سوار تہا۔ اس سلسلہ مانہ جموں کشمير پوليس تے مقامى لوکاں گى طرفوں بچاؤ کاروائى مکمل کى گئى مرکزى وزير داکٹر جتندر سنگھ ليفٹيننٹ گورنر منوج سنہا تے وزير اعلیٰ عمر عبدالله نے حادثہ مانہ جان گنوان آلا گا کُنہ سنگ تعزيت غو اظہار کيو تے دُخمياں گى جلد صحت يابى بارے اپنى خواہش کى۔ تے انتظاميہ نانہ ہدایت جارى کى گئى ہے کہ تمام زخمياں واسطے فوری طبى امداد ت يمدد فراہم کى جے۔ حادثہ گى مزید تفصيلات دیتا وان ضلع ڈوڈہ غا ترقیاتی کمشنر ہرویندر سنگھ نے اس طرح کہيو۔

GOC FED BRIGADES

جنرل آفیسر کمانڈنگ وائیٹ نائیٹ کور لیفٹیننٹ جنرل پی کے مشرا نے گزشتہ روز مرکزى زیر انتظام علاقہ غا مختلف اگلى چوکياں آلا برگيڈ غو دورو کيو تاکہ موجودہ حفاظتى صورتحال غے درمياں آپریشنل تيارياں گو جائيزو ليو جاسکے۔ آکاشوانى جموں غا نمائيندہ غے مطابق جى او سى غے نال ایس آف سپیڈز تے کراس سوارڈ ڈویزن غا جى او سى وى موجود تہا۔ اس دورا غو مقصد فورس غى کارکردگى تے خطراں غے خلاف رد عمل غا نظام نانہ مضبوط بنانو تہو۔ تانجے آپریشنل علاقوں ور مکمل کنٹرول نانہ یقینى بنایو جاسکے۔ دورا غے دوران افسر نے تمام رینکاں غے نال گل بات کى تے اُنہاں نانہ ابھرتا وا مسائل غے نال اعلیٰ سطح گى آپریشنل تیاری برقرار رکھن غى ترغیب دتی۔ جى او سى نانہ موجودہ منصوبہ بندى تے عملی تیاری بارے دسیو گيو۔

DHARTI ABHA SAMBA

نچلى سطح ور ترقى مہم بارے دھرتى ابھيان گو اختتام وجے پور سانہ غا بی ڈى او دفتر مانہ ہو جس مانہ 1500تيس متا ديانياں ناہ کاميابى سنگ باختیار بنایو گيو۔ مہم نے فلاح سکيمان بارے بيدارى پھیلائی جس مانہ صاف توانائى غا اقدامات حقیقى وقت ور شکایات گو ازالو نانہ قابل بنانو وغیرہ شامل تہا اس طرح حکام نے جامع ترقى پائیدار زندگى نے شفاف طرز حکمرانى نانہ فروغ دین مانہ مہم غا کردار ور زور دتو جس گى وجہ سنگ رہی برادریاں نانہ مضبوط بنان تے پورا خطہ مانہ سرکارى خدمات گى موثر فراہمى نانہ یقینى بنان مانہ ایک اہم قدم ہے۔

JK ODOP

جموں کشمير نانہ مسلسل دوجا سال قومى او ڈى او پى اعزاز 2024مانہ ریاستاں کیتاگرى بی مانہ سونا غو نمغہ تيس نوازیو گيو ہے جہیڑو ون ڈسٹک ون پروڈکٹ پہل مانہ اس غى شاندار کارکردگى نانہ تسلیم کرے۔ يہ اعزاز وکرم جيت سنگھ کمشنر سیکرٹرى انڈسٹریز اینڈ کامرس تے سڈرشن کمار منجینگ دائریکٹر جموں کشمير ٹریڈ پروموشن آر گنائزیشن نے نوی دہلى غا بھارت منڈا پم مانہ منعقدہ تقریب مانہ وصول کيو۔ جے کے ٹى پى او غى مقامى مصنوعات نانہ فروغ دین واسطے مسلسل کوششاں نانہ خوب سہرايو گيو۔ مرکزى وزير پیوش گوپل نے تمام فاتحین نانہ مبارک باد دتی کیونجے جموں کشمير قومى سطح ور او ڈى او پى پہل نانہ اگے بدھان مانہ قیادت کر رہيو ہے۔

TRAIN TIMING

شمالی ریلوے نے ٹرین نمبر 19224 جموں توں ساہیوال تک ایکسپریس گا اوقات مانہ ہُن ٹامنگ مانہ ترمیم غو اعلان کیو ہے۔ نواں شڈیول 26 اگست 2025 تیں عملایو جے گو اس سلسلہ مانہ مسافراں نانہ مشورو دتو گیو ہے کہ وے اپنا سفر گی منصوبہ بندی کرن تیں پہلا اپ ڈیٹ شدہ اوقات نانہ چیک کریں شمالی ریلوے نے تمام متعلقہ افراد نانہ تبدیلیاں نانہ نوٹ کرن تے اس غے مطابق تعاون کرن گی اپیل کی ہے تاہم اس طرح تفصیلی معلومات بارے مسافر شمالی ریلوے گا سرکار ایکس پینڈل غے نال نال آکاشوانی نیوز جموں گا سماجی میڈیا ہینڈ ور غا غے معلومات جان سکیں یہ فیصلو مسافراں غا بہتر رابطہ نانہ یقینی بنان بارے لیو گیو ہے۔

YATRA CAMERAS

سالانہ شری امرناتھ ج یاترا جھپڑی اس مہینہ غی 3 تاریخ تیں شروع ہوئی تھی پہلگام تے بالٹال گادواں رستان تیں خوش اسلوبی تے آسان طریقہ سنگ جاری ہے امرناتھ یاترا غے دوران یاتریاں غی حفاظت تے نگرانی نانہ یقینی بنان واسطے ضلع رام بن انتظامیہ نے اہم اقدامات کیا ہیں لنگر آلی جگہ رہائش غا مرکز تے قومی شاہراہ ور ناشری تیں بانہال توڑی سی سی ٹی وی نگرانی لائی گئی ہے تے اس غے نال ہی کنٹرول روم وی قائم کیا گیا ہیں جتوں یاتری نانہ فوری مدد دتی جارہی ہے کنٹرول روم واسطے ہیلپ نمبر 01998 295500 تے 266790 01998 جاری کیا گیا ہیں اس حوالیہ تیں مزید معلومات دیتا واں ایس ایس پی رام بن گلبیر سنگھ نے اس طرح کہیو۔

SWD RAMBAN

محکمہ سماجی بہبود رام بن نے معزور افراد غی مدد واسطے اہم قدم چاتا واں جس غے تحت مختلف سکیمیں غے ذریعے مصنوعی اعجا تے مددگار آلات فراہم کیا جارہیا ہیں ان سکیمیں مانہ معزور افراد واسطے امدادی سکیم تے مصنوعی اعضا غی امدادی سکیم شامل ہیں جس غے تحت معزور افراد نانہ ویل چنیر ترے پھیاں آلی سائل تے دیگر مصنوعی آلات دتا جارہیا ہیں تانجے وے اپنی زندگی نانہ زیادہ آرام دہ تے کود مختار طریقہ تیں گزار سکیں۔ اس مقصد واسطے رام بن ضلع غا مختلف علاقان مانہ خصوصی کیمپ وی لایا جارہیا ہیں۔ ضلعی محکمہ سماجی بہبود آسیر تارق قاضی نے اس بارے اس طرح کہیو۔

DRUGS ABUSE

نوجوانان مانہ منشیات غی عادت غے خلاف ایکموثر قدم غا طور ور لڑکاں گا ہائر سکیندری سکول منڈی پونچھ مانہ ایک آگاہی پروگرام گو انعقاد کی وگیو یہ پروگرام پونچھ پولیس گا اشتراک تیں پرنسپل انور خان غی رہنمائی مانہ منعقد ہوو اس موقع ور اہم خطاب کرن آلا ضلع انسپکٹر جلال دین فانی تے منشیات غا قانونی سماجی تے صحت ور پین آلا اثرات ور روشنی کھلی تے طلبہ تیں اپیل کی کہ منشیات مخالف مہم گا سفیر بنیں پرنسپل انور خان نے والدین تیاہساتذہ گا کردار نانہ منشیات تیں بچاؤ مانہ نہایت اہم قرار دتو تے منشیات فروشان تیں ہوشیار رہن غی تاکید کی۔ انہاں نے اس طرح کہیو۔
